

編號 1 號

【野蓮鳥】李宜諭原作

熱天个美濃湖，湖面即像大大个鏡，日頭下發光个水波曠啊曠，鏡內底有層層疊疊个山崗、青溜溜个樹、闊闊个天、白白个雲……。這個時節，一陣野蓮鳥低低个飛過湖面。

熱天係野蓮鳥个繁殖期，佢人會變到特別靚哦！遐鳥毛真顯目，歸身有一跡一跡金黃色、咖啡色、白色和烏色个色地。厥腳長長，腳趾長長細細支，佢人真愛行在浮到水面个葉面上，所以，在濫泥地大概攞會睭著佢人个身影。野蓮鳥个本名號做「水雉」，因為佢人行路个樣真優雅，長長个尾猶會搵啊搵實在靚，所以，大家嘛會喊佢人「凌波仙子」。

在水陸交接个濫泥地會有真多野生个動物和植物。尤其有一兜罕得睭著个野生雞、鴨、雁，佢人討生養下一代抑係徙藪，定著攞愛在濫泥地，所以，又有人拗濫泥地喊做「鳥類樂園」；佢猶係地球个腰子哦，有一等強个生態淨化功能。毋過，這下濫泥地攞漸漸毋見去啊，攞來田个用藥忒嚴重，所以，真多生態攞破壞了了，真多鳥、蟲、蚴子攞死淨淨，甚至絕種啊，水雉嘛係面臨共樣个運命。

恁多年來，保育團體和美濃湖个野蓮農共下營造友善生態環境，錫來水雉在這做藪生養下一代，漸漸个野蓮田即有了多樣个自然生態，水雉嘛換名號做「野蓮鳥」，變做美濃湖个觀光特色之一啊。

其實，原本野蓮農真感水鳥，逐擺種落个野蓮苗猶旨生根，水鳥就會來啄，啄死了就愛補種，得人加真無閒，野蓮農就會想辦法拗佢人攞走。攞來就係野蓮種落去 50 日，葉較撈實啊，水雉就會在葉面上做藪，毋過，20 日過後野蓮即愛收成啊，恁堵好又嘛係水雉生卵孵么个時節，愛仰子正好？野蓮若係無去採收，就會忒老賣毋會出去，毋過，若係去採收野蓮，水雉孵么就會失敗。

好得有農民肯退一步，野蓮鳥孵卵地方个野蓮就無採收，留得佢人繼續孵么繁殖。因為大家共同个合作，營造了一個友善環境得野蓮鳥會用永久在這生活，這滿美濃湖內底个生態越來越豐富啊。

113 年全國語文競賽臺灣客語朗讀文章高中學生組（詔安腔）

編號 2 號

【攀樹】徐姿華原作

六月初，學校安排僱人體驗「攀樹」，請來真有經驗个教練團教僱人攀樹。在活動遐日，大家做下真期待，先生渡著興趣趣个僱人來到集合地點，教練先講解規則和注意个事項，逐儕目金、耳警警聽到入神，和平常時上課蕙神个樣差真多。

續落來，教練教僱人著護具、戴手爪和安全帽，渡僱人去到學校遐頭百外年个大榕樹下。別個教練已經先準備好勢，拗真多定滑輪和索固定在樹竦，這即係僱人討攀樹个工具。攀樹和跋樹無共款，攀樹係運用攀樹索、吊帶、鈎環、踏索這兜，手腳鬥出力，撐起膺身一步一步攀向上；教練講解擱示範過後，愛換僱人上場啊。

起頭下，逐儕做下驚驚毋敢俛去，大膽个阿智興趣趣搶打先討攀，體育股長阿宏嘛行向前去，教練口頭指導，佢人順勢慢慢若攀若高，攀到離地 4 公尺恁高个時務，猶笑咪咪翕相留念；佢人擱繼續直直攀上去，直直到教練設个目標 8 公尺高遐位，提著「攀樹證書」正坐落樹極奈下；佢兩儕在樹竦真歡喜，直直咻僱人攔緊攀，講樹竦真好賞。

僱攀樹个時真緊張，手腳勾毋會著，索揪到歪歪斜斜，一下碰著樹、一下拂去碰著同學；阿芬嘛無較慶，索揪到玲郎躉，硬硬討打結。一時間，樹竦、樹下有人笑到嘩嘩沸、有人驚到腳底撓撓直直嘍，十分鬧熱。真無簡單，僱攀到 5 公尺高啊，手軟腳軟想討歇落來，在樹竦个教練即鬥相共得僱坐在樹極面上歇睏；僱攬核樹極直直啟大氣，涼風吹來拗頭下个煩躁、緊張吹毋見去；對樹竦睨出去遠遠个所在，闊茫茫个金黃禾田和青山襯核藍天白雲，正經得人心情舒爽。

好定泥一列紅色合白色个普悠瑪號火車對田脣駛啊過，「哇！火車！」樹竦个同學做下大聲咻，猶在樹下个同學頸長長睨向上，等毋得著好較緊攀上樹棟共下奈。

這擺攀樹，有人驚高、有人毋敢躉上樹極，驚遐旨蹬著樹極、無把扼个感覺；毋過，經過教練、同學鬥相共和鼓勵，逐儕都學會曉信任、承擔、合作和勇敢；嘛得僱人知面對困難莫踇踇、總愛膽在在去克服，膺身脣定著會有人肯拗偲鬥相共啦！

【火燒竹園】郭亭好原作

記得遐係佢十歲遐年个熱天，歇暈日莊內个細子做下俚在大樹伯公个廝身，跋上跋落賞到鬧熱滾滾。阿志賞懶啊，即招大家共下去溪脣賞水、炕煙腸，佢講：「討共下去个人鬥撿樵即好啊，伸个佢來負責！」聽著有好空个，大家做下相爭討踎。歸陣細子即踎阿志轉去厰屋下款物件。佢掇出一粒西瓜，攔拗厰媽炙在禾坪竹篙面上个煙腸割一串落來，隨報紙、賴打、箸、洋刀這兜，歸陣細子即嘻嘻嘩嘩共下從去溪脣炕煙腸啊。

阿志先拗西瓜浸在水底，攔用幾下粒石頭砑躑，佢講：「恁等下即有冰冰涼涼个西瓜好食啊哦！這滿你人去撿樵，佢來起火。」為著會用較緊食著香噴噴个煙腸，佢人做下拚勢撿，直直抔燥樹樞、竹殼得阿志起火。火一下即猛啊，一儕分一條撞在箸个煙腸，跔作埕拗煙腸圍在火面上炕。阿志直直交代講：「煙腸愛記得貶面，正毋會臭火燒哦！」有个人較預顛，歸條煙腸炕到烏疏疏，毋過大家猶係食到暢壞壞。

佢人當在遐食煙腸、傍西瓜有講有笑个時，嘎無注意著火猶在遐燒，風一吹，一下即遞開來。火越遞越闊、越燒越猛，等到

大家暝著已經毋會赴啊！阿依哦！這火拗脣頭个竹園燒到嘩嘩哮哮，大家毋赴拗煙腸抔莫即攔緊從去打火，有人提油紙袋裝水、有人抔沙，毋過火越來越猛，燒氣灼到大家想討打火都無法度儂。遠遠在田底做事个阿伯、伯嬭這兜，暝著衝到半天高个煙嘛走來想討鬥相共，佢人暝著火實在傷猛，毋係勢！攔緊喊消防隊來鬥打火，佳載消防隊真緊即攔來，正拗火打么去。

佢人歸陣細子舞到歸頭歸面烏疏疏，驚到面青青；轉屋下了後戲正討上棚，有个得序大人用竹修摔、有个用衫弓拈、嘛有人透夜跪到天光。第二日去讀書个路上相堵頭，逐儕手脛、腳髀做下得大人修理到一垠一垠、烏青溶滴，咒鬼講絕對毋敢攔賞火啊！

這滿想起遐擺火燒竹園，係天恁大个事情，好得有爺哀擔核，拗大事化小，佢人細子正會用平安順序；好得有爺哀个教示，佢人正知是非重輕。正經真懷念佢遐毋知天地、有爺哀保護無擘無心个童年啊！

編號 4 號

【屋下个燕子】曾俊鑾原作

又到位燕子轉來臺灣个季節，逐位都聽會著嘍嘍啾啾个鳥聲。

十五年前，舊屋飛來一對燕子，遐年降三藪，頭藪無出半隻，第二藪嘎有一隻白色个燕子。

聽講，成下个人想討證明燕子明年會轉藪無，會在燕子个腳縲一細截紅線。偌屋下毋使恁麻煩，因為連續八年，頭少有一隻白雪雪个鳥子孵出來，頭多係一藪三隻。這係「白化症」，生來就有个遺傳病，本成就真罕得睭著，毋知係鳥公抑係鳥嫲拗這種基因傳得後代？

鳥么一出世，鳥公、鳥嫲日時頭總係無閒挾掣，飛出飛入，啣細尾蟲飼鳥么，鳥白不管，逐隻都有分。真像飼毋會飽个樣，鳥公、鳥嫲一飛偌，鳥么个嘴即擘到大嫲個。到暗夜，一隻在鳥藪顧蹠，另外一隻就在無幾遠个門鈴面上歇睏。來幾下輪過後，屋下人就喊佢人係「屋下个燕子」。

鳥公、鳥嫲逐年二月中轉來，時間差不多討到位啊，屋下人會頭臥臥直直望；到十月佢人即跣北風落南，闊闊个天墀坪一曠

目又變到清冷清冷。佢人毋識共下轉屋，會差兩三日，逐擺見著，幾暢你都毋知咧！嘍嘍啾啾鬧熱滾滾，樹尾、花園、天嶼攏係佢人活跳拍翼个形影，續落來即睭佢人聯合攔屋簷鳥，因為佢人落南个時務，藪會得屋簷鳥號走。偌和屋下人長透坐在交椅上，睭佢人整理藪、絡食、咬嘴、孵卵、飼鳥么，拗一藪攔一藪會飛無幾久个鳥么送走，反反覆覆，一年過一年。

毋過，天下無不散个筵席，臺灣、南洋飛去飛轉八擺，頭尾一年單單一隻飛轉來。睭佢日時頭挨挨轉直直飛，暗夜就企在門鈴遐位，等幾下日等無伴，啾聲越來越淒涼，長聲思念短聲情。一日晨早，燕子在藪頭前楚幾下圈過後，真像告別長鳴一聲，飛出去即無攔轉來啊。

過後就無燕子來到屋下歇。三年後，阿公正拗鳥藪劇莫，毋過，到今跡猶係睭現現，就像屋下个燕子，猶留在佢人个心肝底。

編號 5 號

【迎龍】鄭孝國原作

過年個時務，有豐沛個團圓飯，有砵年錢好領，攞有紙炮好放……，有真多心色好賞個事物，正經係三日三夜都講毋會煞哦！除了這兜，猶有一種係佢頭興個活動，遐即係——迎龍。

佢蹠在苗栗這個客莊，這位有別位罕得睭著個客家傳統活動——迎龍。對過年前開始膏龍、牽龍，大概對正月初九天公生開光點目了後，一連串個活動正式開始：迎龍、榜龍、跔龍鬧熱滾滾，直直到正月十八遐日子時化龍歸天，這個活動正算圓滿。

佢頭愛騎鐵馬無就騎奧多拜¹跔龍隊，去各莊頭睭龍隊表演，猶會撥工去查今日哪位有包龍，佢就量早到遐號位。等時間一到，包龍個店頭家，會點著各種紙炮、大龍炮。一開始猶睭會著迎龍個人在遐鑽上鑽落、跳來跳去，等到炮愈榜愈猛，目珠頭前歸片濛濛，睭毋會真迎龍個人馬，單單睭著一隻龍在炮陣內底騰雲駕霧，這時合著乒乒拚拚個炮聲，正經得人感覺著虔誠、鬧熱又吉祥。

「迎龍」，係佢頭俗意個過年活動，因為佢毋單心色鬧熱，

¹ 奧多拜：音 o do bbaì；摩托車、機車。

猶展現出客家藝術個靚。迎龍又有人講「賞龍燈」。龍圈係用竹篾編個，在面上貼靚靚個布紗，鬥上竹棍變做會用擎起來迎個龍燈。拗這龍燈一節一節恭做龍身，頭尾拗龍頭、龍尾接起去，哇！金盪盪²個色地實在真顯目啊！龍頭和龍尾真講究，歸下愛照規矩來，正會用「慢工出幼貨」，若係講一無注意，無精氣神韻，遐就差大碼啊！除了膏龍愛注意以外，龍愛迎會活、迎來順序，全靠擎龍珠個人指揮。龍本身就真重，攞加上迎龍係多人合作個表演，一無配合好勢，就會漏氣³，毋係龍打結，就係人跌倒。為著表現出龍個精神和活跳，愛迎來好，定著愛拚勢練習正會鬥搭，正會用表現出力頭和美感。

年節活動千百樣，佢頭俗意個就係迎龍，毋單係因為迎龍這活動鬧熱又心色，因為龍本身嘛係客家祖宗精神個信仰代表。另外，膏龍個功夫嘛係客家手工藝術個傳承。所以佢真欣賞迎龍，嘛歡迎大家有閒來佢個家鄉，共下來欣賞這精彩個年節活動——迎龍。

² 金盪盪：音 gim˘ na˘ na˘；亮晶晶。

³ 漏氣：音 lau˘ kui˘；閩南語借詞。比喻行為表現令人失望。

編號 6 號

【四季个感動】李怡蘋原作

佢屋下脣頭有一個細公園，對佢間底个窗門睺過去，堵堵好和一頭大樹相對面，這一年四季，佢不時探頭出去睺佢千變萬化个面貌，青葉、白花、黃枝，猶有在大樹下石凳上坐奈个人。無論春夏秋冬都像一幅幅靚靚个圖，佢單淨坐个睺就會用感受著四季个變換。毋過，四季得佢感受著个毋單係靚到毋會講个景色，猶有个就係佢對人生个體會啊。

今年新春時務，空氣內底攞係春天甜甜个味素，萬物都有新氣象，佢屋下嘛有好事來。四十外歲个滿叔，望了恁多年總算得佢望著一個阿女啊。這阿侬肥卒卒个臉身，紅霞紅霞个面頰卵，真得人惜哦。人講，人个一生可比一年四季，恁，這正出世个妹子嬰應當算係春天啊！佢幼幼嫩嫩个手指頭，就像春天樹榦嶼正暴出來个嫩穎，厥人生个四季正開始，定著愛真小心細義照顧，望佢寬寬仔大漢。

想啊想，這十外年來爺哀毋知費了幾多个心力，正有通拗佢對細細隻捏¹到這下恁大漢。來到人生夏季个爺哀，愛擔起个責任

重、壓力大。佢人親像熱天个大樹：颱風來透風落雨，為著撐一屋下人，高大个樹愛耐核企到澄澄；在熱發發个日頭下，甘願自家得日頭炙，嘛愛用青溜溜个樹葉蔭影坐在樹下个佢人。

人講：「春有百花夏有風，秋有月光冬有雪。」這係四季無共樣个景色，嘛係人生變換个過程。佢人个腳步越行越遠，年過年毋識擋恬，一個正討來，一個煞煞就走啊，毋堵好一矚目這四季就過去啊。有一擺，佢依睺遐頭大樹寬寬子講：「這秋天一到位，樹葉驚即愛離枝啊。」佢知佢依想著明年佢討去外頭讀書毋盼啊，佢安慰佢講：「無要緊啦！等春天時佢就倒轉來啊！」

前一駁子聽佢依講，窗門外遐頭大樹老啊、破病啊，佢心肝頭一掣。係啊！佢仰子無想著爺哀有一日嘛會行到人生盡尾个季節呢！春天會攔來，毋過人生个四季即無攔一輪个機會啊！自細，係佢人陪佢，一年過一年感受四季無共樣个感動。若係有一日，佢人个寒天來啊，換佢做佢人燒暖个細日頭，陪佢人共下回憶人生中逐個感動个春夏秋冬。

¹ 捏：音 need⁷；此指拉拔長大之意。

【學校个藝術品】黃美貞原作

學校內底有真多大樹得學生遮涼，暹兜樹葉𠵿𠵿¹个大樹，大到會用遮日頭。有一兜仔泥下歸年透冬無炙著日頭，連青苔都生出來啊，輒輒會有學生滑倒。所以，為著整理學校个環境，主任撥工請師傅來裁剪兜，毋若光線變好，猶暹會著壁竦个藝術品。

行入學校一定會暹著楊英風先生个雕刻作品——水袖，園在頭顯目个圓樓頭前。暹時因為學校和國父紀念館做隔壁，出出入入遶寮个人真多，學校長認為校園个環境定著愛好好來規劃，所以特別邀請藝術家來設計，希望創造一個環境來得細子學習，培養出有美感个學生。

楊先生拗花蓮大魯閣个山脈，融合做大戲用个水袖，雖然佢毋會停動，毋過這作品像會流動个氣流共樣，拗四圍个空氣帶動起來。逐年个畢業紀念冊，逐班定著會園一張企在水袖頭前个大合照，無論對先生抑係學生，暹即係傳統，嘛變做一個真重要个記憶。

入來學校个正手裡，暹頭大王椰子樹後背，猶有不鏽鋼个雕

刻打在壁竦，日頭照落來，金箭箭，面上係刻日頭个形，中央係一個日字，輪輪轉尖尖个，係日頭个光線；矮下係山，代表臺灣多山个地形，恁日頭照大地和校名就連起來啊。小朋友講：「長透在學校走相躡，頭那罕得臥起來暹壁竦有麼个，幾時係恁特別个藝術品。」嘛有先生一直想講係外壁缶²必縫个加強工程，等到大樹裁莫暹下，暹著這個創作，正了解原來大師个藝術品就在自家个面頭前。

美感教育愛自細培養，毋係愛逐儕變做藝術家，係愛用心體會生活个事物，比論講：桌竦个排盤、色彩个運用，用腦來想、用手來做，仰子得世界較靚較好。有時在窗門脣種一盆蘭花、用舊杯插兩枝野薑花，即會用改變環境，增添生活个趣味哦！

¹ 𠵿𠵿：音 hen` hen`；形容草木茂盛的樣子。

² 缶：音 fui`；陶瓷。本文指外牆瓷磚。

編號 8 號

【賣山楂糖个老阿公】林淑貞原作

記得有一年入冬過，見拜六个討暗仔，佢社區个巷口，擺會坐一個大約六、七十歲个老人家，脣頭一臺三輪車，面上圍到滄滄撈撈个玲琅雜貨，猶插幾下十支蜜糖个山楂，紙牌面上个字潦潦草草，寫一支二十箍。紅激激个糖膏在細鑊底滾到直直哼波，老人家拗竹籤揸落生山楂中央，不時又愛跋起來罅一下糖膏。佢跋上跋落，自一溜毋識睭著有人拗佢交關。有一日，睭著佢跋起跋落个身影，寬寬仔趁啊趁，佢心肝底一陣酸苦，決定討撥工去買厥山楂糖。

老人家一睭著有人行俚，煞煞即出聲：「細阿妹，山楂糖又甘又甜，罔食哦！」阿公小心細義包起糖。佢斟酌拗睭，恁寒到入骨个天氣，老阿公正著一領起毛起毛个膨線衫和薄薄个運動褲，外頭加一領真舊个袂子，腳係著拖鞋，連襪都無。坐在這風口，佢个面頰卵得冷風刮到紅紅紅，兩隻直直掣个手婆嘛必到這一空遐一空。睭著恁，佢喉嚨頭嘎硬絞硬絞，毋知愛仰子正好。睭著天即討暗啊，佢講：「阿公，好轉去啊，這風冷沁沁，轉屋下較燒暖。」「毋畏，這兜賣淨正來去轉。」車嶺驚猶有一、二

十枝旨賣了，這愛賣到哪時正好。恁替佢擘心嘛無較差，佳載佢黏時即想著一個辦法。

「阿公，你這做下賣佢好無？今日暗夜佢有人客，買得佢人食甜堵堵好。」佢挑持講到真暢，像解決一個大問題个樣。嘛毋知阿公係睭識佢个打算無，佢講：「恁否勢，愛得你拗佢買淨淨。」毋過好得佢又肯賣，佢攞著一大袋个山楂糖，無加講即轉啊，驚阿公過意毋得會反心毋賣。佢著面行著面感覺心開一大片，行到遠遠正幹頭睭，阿公正經收好擔、牽起車討轉啊。毋過佢个目汁在目珠輪來輪去，睭毋會真阿公蹬三輪車个背影啊。

尾後佢即毋識堵著遐個山楂阿公啊，聽屋邊講，換厥新婦去市場賣，佢在屋下渡孫，毋使恁勞碌啊。老人家本來就係愛享福个，人講：「家有一老，如有一寶。」多一兜仔尊重和孝心，佢人即毋會受苦。社福制度嘛愛全力來照顧無俚無憑个孤單老人，恁个社會正有希望。

編號 9 號

【 慧膽精神 】李淑娟原作

更深夜靜個時務讀書，讀著一句事：「生活無法度變到像你想個恁靚，毋過嘛毋會像你想個恁得人驚，偲人個軟弱和堅強攏超過自家個想像。」有時，你可能軟弱到讀著一句事就目汁流流；有時，你會發現著自家早即牙根咬個行了真長個一站山路。

吹著桂花甜味個涼風，偲嚟這句事睡毋會落眠，心肝底個感動攏一擺得偲想起偲怙個故事。阿怙出世無幾久，偲公即過身啊。偲和阿弟出世過後，生活個擔頭越來越重，逐一毫錢都愛想辦法變做兩毫來用。

遐時有真多客人去到世界各地絡食，有人過南洋、有人去日本，嘛有人去美國尋機會。因為朋友招陣，阿怙一直到討出發遐日正拗偲媽講，臉身隨三萬箍銀即坐飛機去美國趁錢。毋會曉講英文個佢，為著生活，對臺灣飛去三藩市，飛過一萬空五百公里個距離，飛過高山和大海，一個慧膽個客人。

去到美國佢先掇貨賣，賣臺灣生產個烏目鏡，一支賣美金一個銀。遐時阿怙單淨會講一句：「bban da la¹! bban da la¹!」

¹ bban da la¹：是英語 one dollar 的不標準發音；意思是一塊錢。

講嘛怪奇，遐兜阿啄仔²就真愛來拗阿怙交關，一買即係幾下支。尾後生理越來越好，阿怙會個英文嘛越來越多，連「fu³ len³ do³」都會講。佢個擔頭漸漸對一個變做三個，賣個物件對烏目鏡，增加到塑膠花、雨傘和手錶。

「做麼個佢人恁愛來拗你交關呢？」細漢時個偲想攏無。「可能係因為偲生到矮矮細細，暱起來特別老實。」阿怙笑到嘴嘆嘆。「你無想過若係失敗愛仰子正好？」偲帶疑個問，阿怙寬寬仔應：「做得做得，有做即會有得！想忒多，嘎會擋著向前個腳步。人生無白行個路，就算無趁著錢，頭無猶有學著英文轉來。」這係偲怙個「慧膽精神」！

有人認為「慧膽」係講做事情無計畫，毋知死。偲認為「慧膽」會用講係為著理想咬牙根去做真辛苦個事情，遐係堅持，愛有勇氣。偲想討褒阿怙個慧膽：「生來矮矮細子樣，為著生活去賣貨。有嘴難講外國事，正會一句 bban da la¹。」

² 阿啄仔：音 a³ dog a³；外國人的通稱。

³ fu³ len³ do³：是英語 friend 的不標準發音；意思是朋友。

【守護大海个巨人——白沙岬燈塔】徐芳玉原作

臺灣个四角輪轉攏係海，青色个海岸線綿延無斷。無論係面對浪花滔天个大海，抑係恬靜个星光滿天，燈塔共樣堅定企正、熬更顧夜，在暗夜照光海脣、指示方向，保護在大海个船平安順行。

在佢个家鄉，嘛有一座燈塔，佢像一個大巨人共樣，巨大雪白个臉身直直个企在海脣，守護大海、守護家鄉，佢个名號做「白沙岬燈塔」。白沙岬燈塔在觀音海脣，係桃園頭靚个純白色古蹟之一。佢遐白雪雪个塔身，在碧海青天下睭起來晟目、錫人。

白沙岬燈塔，塔身高度大約 37 公尺，係全臺灣第二高个燈塔。對西元 1901 年點燈啟用了後，經過百外年个時間，到今猶係企澄澄，係今現時保存頭完整个日本時代初期个燈塔，嘛係在地有名个名勝古蹟。白沙岬燈塔和別座燈塔个建築材料和建設方式無共樣，佢頭特別个所在就係，佢有「煉瓦石造」个雙棧磚石耐震構造，嘛係臺灣唯一用紅磚子和石頭混合起个。燈塔真勇，雖然堵著二次大戰个戰機掃射，和多擺个地動風災，攏無嚴重損

傷。

燈塔脣頭有一頭對日本時代到今，直直做伴在邊脣百外年久个苦棟樹，佢人像係好朋友，時時相伴。逐年三、四月个時務，樹尾就會發新葉，粉茄色个花蕊開到歸頭樹，細蕊花散出淡淡个香氣。在佢童年个時務，頭愛和朋友在鳥語花香个季節，共下去遐奈。春天个輕風一吹，粉茄色个細蕊花對樹岫跌落來，跔風慢慢仔飛，像蝶，又像粉茄色个雪，實在真靚。佢人猶會假影講自家係新娘，滿天个細蕊花像係天女散花，在燈塔个見證下進行婚禮，大家輒輒笑到毋會停動，實在真心色。

這滿大漢啊，無像細子恁愛賞，毋過，家鄉美景錫人目，佢嘛輒輒會去遐行行奈奈。有時心情無好个時務，抑係對未來抓無摠頭¹个時，佢嘛會去遐位吹一下海風、睭一下燈塔。白沙岬燈塔像溫柔个老人家，用佢个人生經過鼓勵佢。想著佢毋管係日時頭、夜時頭，抑係透風落雨，攏堅定企在遐，佢嘛愛尋出人生个方向和目標，堅持落去毋放煞。

佢个心肝內恁恁个感謝，勞力白沙岬燈塔守護大海、守護家鄉，嘛守護佢。

¹ 抓無摠頭：音 saˋ moˋ zungˋ teuˋ；掌握不到要領或抓不到頭緒。